

玉籙大齋第二日晚朝儀

各禮師存念如法

金真空降 神虎捨管 玉帝披霞 諸天命靈
九晨回駕 萬魔束形 九微迅煙 神威攝精
流金擲火 百惡消并 神耀輝夜 洞香長春
聖道鏘鏘 十方肅清 保制劫運 元亨利貞

發爐同正

請稱法位

具位 與臨壇官眾等謹同誠上啓

虛无自然元始天尊无極大道太上道君太
上老君高上玉皇十方已得道大聖眾至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上保上傳大
平下教二十四真人西城總真玉君太乙真
人東嶽上卿司命茅君定錄保命二真人名
山洞府得道神仙三界官屬一切真靈
臣聞六合隱形潛混中靈之祖炁五陽周緯
開明梵寶之天元光耀香其芒飛輝燁遐該

九極總統三辰啓劫運於上皇應靈圖於太
極分洞神之仙境感化生文出神寶之禁書
淨空結篆推符曆數載度天民臣等溫綴具
階叨遊松範既黃華之妙景凝盼篇章披紫
笈之重玄遵依科品凡有所啓敢不上聞齋
意青詞謹當宣奏

宣詞

具如詞言不違懇款思惟大道分別哀祈

臣聞玉虛玄關育三光魄魄之精金境紫清
輝九炁陰陽之粹通神入寂招具致靈臣等
恭歎良宵精修妙範嚴雲屏翳泛四景以朗
清旋斗歷箕接三光而煥爛寶蓋命群真之
駕玉爐騰九色之烟恭假香俾奉修齋直以
今落景行道請法眾等運茲初捨上香
願此香烟騰空徑上供養
虛无至真自然大道元始天尊願以是捨香
功德上祝
當今皇帝聖壽無疆伏願倫序五行氣調六
律日暘日雨齊七政之璇璣不暑不冰和四
時之玉燭順陰陽而合德俾日月以並明世

路丕平年登上熟與天同久申命用休今故
燒香自皈依道尊大聖眾至真之德得道之
後祈天長存
臣聞裁成天地出保家寧國之文化育陰陽
主度死濟生之式諸天校錄萬聖臨軒以今
落景行道請法眾等運茲二捨上香
願此香烟騰空徑上供養

願此香烟騰空徑上供養

玉晨至聖自然靈寶大道天尊願以是捨香
功德歸流三塗九夜六道四生並願落魄惡
根出離苦趣結胎返炁俱昇碧落之鄉勿質
蜺形盡陟朱陵之界俾死魂而受鍊獲仙化
以成人報對停休寃仇和釋超凌三界迺達
九清今故燒香自皈依經尊大聖眾至真之
德得道之後昇入無形
臣聞大道闡於不古故示慈悲之典真元出
於有象乃垂濟度之方今古攸遵人天仰賴
以今落景行道請法眾等運茲三捨上香
願此香烟騰空徑上供養
混元大聖自然化主道德天尊願以是捨香
功德上寶

所薦神靈伏願長謝萬塵永辭色界結胎斬
滯舍元炁之冲融混化生神畜天具於公奕
返本初而精練悟我理之兼忘况景洞空散
思霄映道遠靈駕遊宴上京今故燒香自皈
依師尊大聖衆至真之德得道之後昇入無
形

懺悔 三格 三禮

重稱法位

具位 與臨壇官衆等謹同誠上啓

三清至等十方上聖玉京金闕天帝天具十

方師尊聖衆三界官屬一切咸靈

臣聞六過制魔受伏諾送迎之命三元此戒
示蕩形沐浴之科臣等叨催玄律獲備靈運
所宜服中黃而內養離魄丹田鍊太素以高
觀咀脣玉液垂佩昇真之錄恭傳厥職之文
普度幽沉誓弘情靜况承詞刻恭為典行今
奉未伏為孤魂滯魄自從宿生今世舉意誤
為動情故犯未能推誠慈順為志慚良不思
三戒之時或專闕氣不顧一朝之忿或致忘
身恣凶恣以凌人恃強梁而兼弱心懷噴性

口肆惡聲惟積過以捨非因修真而來戒惡
因報對未卜升既仰祈超濟恭仗修崇非滌
故以洗新曷升虛而入妙仰垂惠澤密注恩
波勅九鳳之將軍命五靈之童子招魂將吏
解穢官君沈耀夫人黃華玉女請取太玄神

水鍊尸素漿甘露金液雲腴玉醴合和真炁
使流注於香湯沐浴塵勞悉蕩除於陰翳魂
神澄正性識圓明灌漑五芽整齊八景冠帶
簪紒佩服羽儀飛步九靈出離五濁滅三塗
而滌罪宣六腑以生津斷絕地根蕩除尸穢
衆謁熱惱普獲清涼易舊更新洗瑕磨垢登
質於高明之境怡神於玄爽之都永謝塵累
俱躋道岸則上明
天尊大慈之化下副臣等皈命之誠謹啓以
聞

十念

- 一念一真布景
- 二念二象回傾
- 三念三尊鑑映
- 四念四炁調平
- 五念五文燮爛
- 六念六惠齊明
- 七念七辰合瑞
- 八念八卦利貞

九念九光旋匝
復爐朝平
十念魂魄飛升

玉錄大齋第二日晚朝儀